


PL  
2698  
H7866  
A16  
1734  
v.4











文清公薛先生文集卷之五

門人關西張鼎校正編輯

絕句

朝回行堤上

御溝行處早朝回  
春水平堤不起埃  
柳綠蒲青無限好  
客邊襟抱一時開

簡焦李羅劉四侍御

綠柳紅葵滿憲臺  
幾陪簪笏共徘徊  
昨朝一別長官去  
直到新年院裏來

末用韓句

文明門外水悠悠  
妓子歸來雨打頭  
却笑道人心似

鐵火無飛夢到青樓

鐵扇都門鎮日開無風車馬也塵埃  
雷公不吝連朝雨洗盡炎蒸一快哉

每憶清談對數公別來無日不從容  
少陵自是能詩者却笑樽中酒屢空

黃榜同年雙進士青毡並榻兩先生  
四君高論應難及別後深知鄙吝萌

讀劉靖脩黃金臺詩

賢者何曾爲此來黃金空復壘高臺  
先生志節超千古一山清風溢九垓

再懷沅州五友

沅陽清氣滿烏臺爲有脩篁繞戶栽  
兩載好風明月夜新詩誰對此君裁

無端詩興遠誰添紅白雙梅倚畫簷  
千里中州風雪夜一窗清月憶湘南

簾捲秋風繞砌花沅陽幾對昔年華  
關山白露三千里誰采金英泛紫囊

持贈曾同驛使梅紉香聊爾意徘徊  
當時九畹花應任幾向光風爛熳開

薜荔闌邊綠錦池竹亭深坐晚涼時  
忽成遠道空勞

想秀色天香發向誰

汾上春行

清汾信馬踏春醅汀草萋萋隴麥蘄正是煖風啼鳥  
日水村花塢似江南

驟寒

曉起題詩硯有冰苦寒端欲訴玄冥却思持節荆南  
道臘月湖山草色青

河南將歸

我憶汾南田舍好綠槐如蓋擁高門南園舊種雙河  
樹應有孫枝到碧雲

忽憶

忽憶鞏東岑子嶺入雲遙見大河流中原勝槩皆堪賦攬轡還當遂壯遊

汾河南岸看杏花

兩載東風看杏花汾河南岸水西斜幾回駐馬憐穠艷只恐春流泛落霞

汾水南邊錦作堆連朝相報杏花开東風好景休虛擲一日須來一百迴

過壽陽用韓文公韻

征騎鷄鳴發大安山深五月尚風寒壽陽舉目孤城

近東嶺金烏爛曉團

憲臺齋宿

憲臺齋宿幾連宵  
絳燭銀爐伴閨寥  
斗帳夢回更漏永  
只聽窓外冷風飄

喜雨雜詠簡院長諸公八首

聖明端拱太平時  
好雨當春細若絲  
應是栢臺添氣象  
旋滋花柳更催詩

正是陽和溥萬方  
知時好雨潤群芳  
趣朝共覩

天顏悅應喜斯民  
樂泰康

霏霏朝雨潤彤庭  
恭逐鵷行謁聖明  
白玉橋邊鳴

珮過御溝春水一時生

御溝新柳濕鵝黃佩馬朝回雨露香  
栢府文書春日靜相過唯覺和詩忙

栢臺春靜晝厭厭好雨如絲不捲簾  
最是東君能借力閑庭草色一時添

雨過西山翠欲流葱葱佳氣滿  
神州書生莫笑霜鬢駿馬看花已慣遊

聖王龍飛第一春天垂雨露萬方勻  
蒼生坐見堯仁壽自昔賡歌有舜臣

萬國同心奉至尊斯民重見欽衢樽  
欲知和氣薰

天地只在三春雨露恩

發通津驛三首

六月官船發潞陽水村烟樹共微茫  
天門忽已如天上祇見青山一帶長

新捧天書帶紫泥又承恩旨按三齊  
通津南下波連海渺渺風帆去似飛

五色天書出禁中儒臣將命按山東  
滄波南下通涿涓魚躍鸞飛總帝功

宿臨清薇省行館

微垣瀟灑九秋天風葉敲牕夜月圓  
有客乘驄來

新詩留作賃房錢

泉林寺

日午停驂山寺幽  
清泉古木亂蟬秋  
絕憐好景添清興  
爲寫新詩紀勝遊

夢與陳侍御話舊

分司相見是京華  
風節山東向子誇  
邂逅不知身是夢  
覺來秋雨濺窓紗

菊開憶去秋同官臺中共賞

去年客裏遇重陽  
曾與同官摘晚香  
今日分符行郡邑  
獨將遠意看秋芳

嘉祥分司元宵

行臺北面是蒼山古楫風生分外寒  
又值元宵春二度謾燒紅燭伴清歡

鉅野道中

鉅野茫茫遠際天春風春雨淡春烟  
河流尚自成陳迹俯仰千年事落然

題汶上分司二小栢

霜臺對植長新枝翠葉交承雨露滋  
直幹總應無曲處穉年俱有棟梁姿

聞蛙有懷

春晚乘驄駐德平  
古城牆外有蛙鳴  
却思青草池邊  
夜三載湖南厭此聲

暮春道中見桃花尚開

馬穿新綠過園林  
已恨穠芳誤賞心  
猶有小桃花未  
落獨留餘艷到春深

鄒平分司雜詠二首

行臺獨坐聽鳴鳩  
喬木參天五月秋  
舉目好山青未  
了應隨馬足遍東州

樹繞行廊散碧陰  
鶯啼小圃送清音  
葵花無數開如  
錦鮮是傾陽共此心

臨淄道中

平郊漫漫樹依依人物千年總已非  
多少荒臺芳草合不知何處是三歸

青州分司榴花

石榴小萼未開時渾似紅櫻壓翠枝  
照日含風千萬朵故園千里正相思

穆陵關夜雨

萬山絕頂穆陵關一上山樓五月寒  
烟樹滿川浮暝色晚風吹雨濕闌干

膠州

青螺海上山參差樓閣海天寬行臺五月不知  
暑祇覺侵人海氣寒

栖霞見青桃

來日紅桃尚有花青桃如彈逝栖霞無端馬首還東  
去直看青山到海涯

栖霞行臺夏日

四山環繞栢臺深綠樹濃交戶外陰還似湖南持憲  
節坐聽山鳥弄清音

望嶽

攬轡西來過泰安拂空青巖掠征鞍東還筭是初冬

日擬上天門次第看

萊蕪懷古

清節誰能似范丹  
清名千載重人間  
萊蕪縣裏停驂  
日坐對南山秋色寒

再詠汶上分司二小栢

一迴相見一迴高  
夾砌行看翠葉交  
偉器定如房與  
杜相期聳壑更昂霄

魚臺分司

翠竹紅榴掩映間  
栢臺清晝鳥聲閑  
情知物理相關  
處心與乾坤一樣寬

三詠汶上分司二小栢

高標離立入簷長已有清陰近畫堂別後又看新子  
結風生蒲院散天香

渤海道中

學道於今四十春擬將事業贅經綸又從北海尋東  
海叨祿能無愧古人

題書畫琴棋四首

書

馬跡紛紛變化多競將姿媚逐流波欲知筆力通神  
處點畫都從主敬過

畫

翫物工夫有底忙江山萬景入微茫欲知畫出乾坤  
意只有濂溪獨擅場

琴

山自蒼蒼水自深焦桐瀉出伯牙心鍾期去後今千  
載誰復人間是賞音

棋

夏屋聲敲玉石寒輸贏只在一毫端傍人莫自誇高  
品當局方知下子難

題壽光分司壁畫四景

春

馬蹄十載遍江山  
萬紫千紅恥次看  
欲識春風今古  
面殷勤還訪杏花壇

夏

赤日紅塵十丈深  
碧溪垂柳覆清陰  
南風坐久頻吹  
面忽憶薰絃萬古音

秋

山高木落水涵空  
萬物蕭森爽氣中  
却羨隨陽無數  
鳥年年整翼候西風

冬

大雪茫茫海上來  
仙山遠近玉樓臺  
笑書捧得行陽氣  
一歲衝寒有幾迴

題四知臺

人間無處不天公  
笑却黃金暮夜中  
千載四知臺下路  
至今猶自起清風

題壁間松鶴圖

忽驚虛室起潛蛟  
雲氣陰森爽氣飄  
霜雪不知幾千古  
長年惟有鶴來巢

臨胸分可四小栢二首

詳是平生獨愛材  
新移四栢後堂栽  
懸知數百年來

後應有清陰滿憲臺

四栢移來拱把餘，一竹分植傍階除。  
故應雨露均培養，直幹爭看聳碧虛。

簡黃仲芳大叅三首

正統四年秋九月天官門下識君時。  
神都第一科中客，接踵青雲愧後期。

雅量每期黃叔度，正人應愧薛居州。  
斯文四海知同調，且喜京華並轡遊。

天衢連日踏塵埃，忽聽蕭蕭夜雨來。  
明日况逢重九節，好懷應爲大叅開。

十二景爲衍聖公孔彥縉賦二十四首

小亭花雨

小結茅亭壘石臺  
繞亭時雨百花開  
一襟道氣清如許  
更挹幽香滿座來

曾過君家飲小亭  
醉看紅雨濕春馨  
別來生意應如昨  
長對東風閱聖經

夾道槐雲

夾道槐根孔世家  
兩行飛蓋影欹斜  
要承濃渥千年蔭  
不變秋黃八月花

數仞宮牆一路深  
屯雲交翠落清陰  
紅塵十丈知何

在祇引薰風養道心

蘭階清露

零露瀼瀼帶曉濃  
繞階晴霽轉光風  
雲仍對此羣三弄  
還與宣尼古調同

九畹移來遍孔家  
芳叢時遣石闌遮  
故應天意憐香潔  
玉露年年潤好花

桐井甘泉

千草嘉樹古梧森  
一窟寒泉碧甃深  
靜掃濃陰汲脩綆  
清泠長是絳塵心

樹環嘉木桐陰合  
井列寒泉地脉通  
彩鳳九霄應有

待道源千古自無窮

海棠綴錦

長笑時人愛海棠  
芳姿何事近宮牆  
自緣要識春風面  
任遣花神綴錦粧

綠烟初散錦囊空  
綽約仙人半醉中  
莫怪海棠顏色麗  
等閑紅紫盡春風

萱草堆金

綠帶春深近北堂  
更看紅錦爛天香  
國風千古遺詩在  
對此應知百慮忘

自是春風造化機  
織成錦翠爛相依  
細看一種生生

意真宰無言識者稀

松窓皓月

拂窓涼籟起秋聲綺席流光皓月明却憶鄒軻談夜  
氣此時心迹已雙清

畫堂松月夜窓虛宴坐澄心一卷書莫道畫前元有  
易靜中天理亦森如

竹塢涼風

半畝琅玕出短墉煖烟輕霧碧陰重開門爭掃蒼苔  
坐細葉蕭蕭引好風

戴雨含烟一逕幽每從長夏數追遊濃陰深處不知

暑祇覺涼風似水流

苔石疊翠

山骨移來帶蘚痕層巒疊嶂勢飛翻杏花壇裏三春  
雨疑是岩間一片雲

氣通霄漢潤通泉融結還從太古間數點青螺雲起  
處散爲霖雨遍山川

花園繁紅

煖雲無力趁東風小圃芳菲處處通若問人間真太  
極便應攜手看春紅

參天喬木聖公家應愛春風滿滿花還似灊溪窗外

平一般生意浩無涯

古牆秀栢

曲阜城中夫子牆  
牆頭老栢正蒼蒼  
托根終古同元氣  
未許掄材作棟梁  
根蟠厚地幹參天  
環合宮牆不記年  
遙想杏壇傳道日  
唯應此木見三千

方沼瑞蓮

珍重當年太極翁  
曾將道筆寫清通  
孔門自是傳心者  
還向方池看夏紅

玉井空傳太華峰  
何如方沼看新紅  
澆培更有如船

藕查滯都歸渾化中

行臺雜詠簡黃憲長暨諸憲僚二十首

行臺西接大明湖細柳新荷入畫圖  
海右風光今古意出題殊覺少陵孤

獨宿行臺暑氣清清吟已覺動高情  
令人若憶黃詩伯肯許連床聽雨聲

楊柳陰陰憲府深讀書因見聖賢心  
鍾期去後今千載誰復人間是賞音

獵獵風蒲水蒲塘輕陰微雨菱荷香  
偶來乘興觀時物徐步芳洲趁晚涼

庭樹水侵階隱隱輕雷細雨來爽氣已添煩暑  
退好懷千古一時開

綠柳紅葵滿憲臺清渠碧沼斷塵埃城頭雨過天無  
際高島孤雲自往來

菰蒲深處水禽鳴雨過林塘水更清露滿碧荷看不  
定祇疑仙掌萬珠明

栢臺清晝鳥聲閑影落高梧夏日寒且喜輕陰天際  
歛開門咫尺見南山

水滿方塘蓋錦萍軟風高下颺蜻蜓清宵雨歇蛙聲  
急却憶湖湘草色青

萬朶紅葵拆錦袍新粧相倚開妖燒道人獨愛傾陽  
意併起丹心憶聖朝

行臺直北是高城城外溪流面面清更擬濠梁尋勝  
事觀魚後有昔人情

明時叨秩意何如祇向行臺讀古書自得自歌還自  
樂青天白水看鸛魚

四月行臺暑雨過方池無數長新荷貪觀物意歸來  
晚楊柳薰風到面多

瀟灑流年老鐵冠髮毛雖白寸心丹天書重疊叨  
天寵駟馬長鳴宇宙寬

江潮意不怠頻年草疏奏明光行臺夏日看時  
物北愛葵花向太陽

憶捧天書別九天分符頻與歲時遷行臺幾度逢佳  
節五月薰風入舜絃

夏雷挾雨急傾盆風色蒼蒼晚更昏清曉行臺看雙  
沼新荷已沒舊波痕

泰山觸石雲初起六合茫茫一雨同試聽康衢應有  
頌調和玉燭聖明功

繞屋葵花錦作圍畫牆牆外柳依依日長建院遊絲  
靜乳燕穿簾自在飛

萬頃平湖接憲臺紅蓮如錦望中開何當與客凌飛閣更攬山川入壯懷

題趙雍畫馬三首

逸氣稜稜不受羈蒼林磨痒立多時會應有待王良馭掣電追風始見奇

白面驪駒汗血乾風鬃倚樹玉蹄攢誰人爲制青絲絡騎出橫門萬衆看

玉馬王孫已入周曾將絕藝寫驂騑謾誇有子能傳業不道東陵有故侯

六國平來四海家  
相君當代擅才華  
誰知頌德山頭石  
却與他人戒後車

重題臨朐行臺四柏二首

四柏移栽已二年  
重來相對意留連  
時人莫比甘棠樹  
淺薄慙無惠化傳

憲府重來柏漸高  
良材元不因蓬蒿  
還應老大驚人目  
香葉團空有鳳巢

重題膠州行臺二首

六年三按古膠東  
兩見葵花五月紅  
却憶端陽霽賜扇  
曾陪鴈侶覲飛龍

留題今是兩端陽海氣仍飄五月涼却愛名花當戶  
發還將遠意采幽香

四景爲李通政賦

石橋流水自東西綠樹連雲翠嶂低却憶當年持憲  
節扁舟曾泛武陵溪

紅塵飛不到青山宛轉橋通水閣寒立盡夕陽橋上  
客看山看水不知還

木落霜清水不波野人茅屋帶岩阿幽林採得憐香  
潔坐對南山興罷多

竹林茅屋枕江皋疊玉峰巒夾岸高似是剡溪清興

發獨衝風雪泛輕舸

四景爲張給事題

雲滿青山水滿溪百花如錦草萋萋少陵詩思知多少  
少到處嬌鶯恰恰啼

百尺清潭萬仞山山圍水閣下虛寒道人已自無焦  
火况在山光水色間

無邊草木不禁霜只有黃花晚更香笑採黃花斟美酒  
南山咫尺又興難忘

仙家樓觀鬱嵯峨雪嶺冰溪眼底過驢背探春春信  
早詩情不必灞橋多

齊宿雜詠十首

高堂燈火夜相親  
點檢詩書憶古人  
自愧久持三尺  
法上生長保寸心春

霜竹風寒夜向深  
燈前讀易見天心  
京華又是逢長  
至坐憶先夫子半吟

再入霜臺持憲節  
又承丹詔育菁莪  
只今理寺通  
朝籍倍覺天恩滾滾多

燈花靜夜結金蟲  
爐火共如樹杪風  
小閣有春應自  
省此心期與萬人同

法從追陪二十年  
寸心刻不愧先賢  
士師自是庭堅

尚憶虞廷詠初天

馬蹄頻踏暮街塵  
理寺歸來月色新  
靜室有心空自  
省忘言相對是何人

金門待漏三更月  
玉陛趨朝五色雲  
補袞卽非樗  
散質微誠長祝聖明君

跡忝鴈行第幾班  
朝回馬上看西山  
雪崖水谷清  
如許咫尺烟霞未可攀

待伴未消窗外雪  
宜人偏愛竹間風  
齋居已自心如  
洗况與寒宵此景同

却城鍾鼓夜深沉  
棘寺燈前有客吟  
不是少陵耽  
曉

句虛臺元自發清音

題陳希夷圖

白雲回首是三峰  
宴坐蒼苔睡正濃  
人世紅塵渾斷絕  
野花啼鳥自春風

題枯木竹石

野渚春容

荒溪野渚曲流通  
蒼翠噴吼淑氣中  
瀟灑一舸春意思  
紛紛紅紫挹高風

臨渡春意

蒼玉生苔浸綠波  
新篁老木散枝柯  
徒勞人世歌招

隱淡蕩東風野興多

淡靄涼生

扁舟幾度泛湘波  
老木疎篁翠石多  
涼吹淡烟圖畫裏  
遠懷清絕奈秋何

蕭騷霽雪

山間昨夜雪三尺  
曉雲如拭天無痕  
惟得清聲灑人  
世石林凍竹風翻翻

絕句三首

一至無塵靜有餘  
清風頻度小窗虛  
幸編讀罷心如水  
閑看浮雲自捲舒

擾擾征途二十年蕭蕭短髮賦歸田青山綠水都如  
舊得失升沉事落然

早知大道心無外始覺身閑樂有餘一卷陶詩千載  
興悔將名利役慵疎

絕句四首

疎懶經旬不出門炎風暑氣任昏昏饑餐渴飲披書  
卷高卧開窓看白雲

憶昔曾遊海上山夏雲冬雪滿征鞍如今贏得身無  
事一榻清風白晝閑

長江風起浪如山驛路紅塵幾往還三十年前四十

處烟蓑依舊釣磯閑

年少爭名老可羞  
青山綠水去來休  
是非得失何須問  
已是忘機伴白鷗

汾上春日二首

道邊桃李綠陰繁  
花落難招萬片魂  
只有清汾流不盡  
年年長是繞孤村

汾水春流岸岸深  
水村新綠滿春林  
殘紅已逐東風盡  
不道遊人負賞心

宿青橋驛聽江聲

青橋驛近黑龍江  
江上灘聲踏入窻  
高枕殘眠過夜半

文集卷之五  
半驚迴旅夢正淙淙

草涼樓驛

翠華西幸駐山間  
草閣乘涼動喜顏  
何似長安殿裏  
地鳳樓千尺更高寒

朝天驛

征驂行盡褒南道  
又上朝天驛畔  
舟兩岸雲林青未  
了嘉陵南去水悠悠

盆池魚

浮游南北與西東  
不出區區斗水中  
何似巨鱗居大  
海波涵天地浪搖風

泛川江有感

爰親未老我童年曾泛岷江六月船今日重來泛江  
水我衰親沒淚潸然

夏夜宿龍爪驛

風樹颼颼雨不休夜眠江館似深秋夢回忽見窓前  
燭驛吏催人又放舟

效竹枝歌三首

錦官城東多水樓蜀姬酒濃蜀客愁醉來忘却家山  
道勸君莫作錦城遊

江上小樓開戶多蜀儂解唱巴渝歌清江中夜月如

文集卷之五  
十一  
畫樓頭賈客奈樂何

楊柳曬曬天雨明  
錦江夜雨江水生  
塩船無數惡年  
少閑上江樓看曉晴

却贈

有人情重贈尤多  
奈我中心義理何  
縱使盡添齊楚  
富一身之外總爲他

放船

野曠天低江面平  
放船東下好風清  
江天况值新晴  
霽雲白山青望眼明

江行

兩岸好山看不盡  
一江州水去無窮  
誰人爲和滄浪曲  
興在空濛香靄中

平羌望峨眉山

峨眉盡出天邊秀  
青到平羌尚未休  
山月半輪懷李白  
扁舟我亦下渝州

讀史二首

漢唐末事誰能鑑  
晉宋當年世所知  
猶有二編青史在  
悠悠長使後人悲

求言未若用言難  
不用忠言亦等閑  
若信當年江統論  
定無戎馬到長安

除夜

又逢除夜客西川銀燭金爐白髮前却憶去年京邸  
夜朝衣新試候朝天

蜀中元夕

京華西蜀兩元宵總去家山道路遙來歲乞歸逢此  
夕故鄉燈火沸笙簫

成都看梨花

錦城風煖不生塵開遍梨花萬樹春吹散綠雲簾盡  
捲廣寒宮裏有仙人

看木瓜花

杏艷桃夭三月終  
好花難比木瓜紅  
開頭總愧青青  
相生怕林間  
一夜風

詠史

平吳四海盡爲家  
內苑新添萬樹花  
飛喜羊車遊別  
院不堪輶道駕牛車

戲題則天卿

無端險惡山川氣  
盡付當時武媚娘  
滿座千年遺臭  
在至今人唾則天卿

紀行口號

襄陽曾渡漢江水  
潘家還尋漢水源  
自咲苦無經濟

略道途何事往來煩

自朝天驛回京

去春舟發朝天驛  
今夏朝天嶺上回  
水陸朝天行已  
過朝天從此上金臺

太常許卿送菜戲簡計甫

爲謝東隣許太常  
嘉蔬頻送意難忘  
呼童帶葉連根  
煮咬得其中一味長

摘送園蔬露未乾  
虀成新味帶鹹酸  
幾回放筯詩勝  
飽絕勝先生苜蓿盤

空堂養病似齋居  
喜送東園幾種蔬  
喫此久無烹宰

不須仍用遠庖厨

白髮青袍老寺丞  
卜居喜近太常卿  
故知氣味多相似  
頻送東園菜把青

菜出東園種種新  
太卿相送意何親  
生平自是甘清味  
肉食能無愧古人

園蔬新拔帶霜濃  
爛煮香根放筯空  
誰識其中有真味  
不須苦羨紫駝峰

自笑官貧氣尚豪  
堯姬休復論羊羔  
卿家能送東園菜  
清味還應厭老饕

此色斯民不可有  
此味廟堂不可無  
顧我已非調羹

手先生相送意何如

雅契名卿柰若何  
嘉蔬頻送意尤多  
生平味此無厭  
足恐似當年喫菜魔

京華交契似君稀  
白首相看意不違  
忽見名園送新  
菜故鄉老圃倍思歸

徐州見黃河

吾家正在龍門下  
流出黃河幾曲長  
忽向徐州城外  
見牽情一水正思鄉

燕子樓

婦妾當時一女流  
猶知守節度春秋  
往來忘義忘仁

看莫上彭城燕子樓

戲馬臺

八千兵渡大江來  
戲馬高臺亦壯哉  
何事烏江騅不  
逝高臺翻使後人哀

陵母墓

康走中原海起塵  
獨從草昧識真人  
紛紛都是人間  
死母死高名萬古新

呂梁洪

長洪幾折奔流急  
亂石兩崖還疊重  
被髮行遊渾不  
見往來舟楫自匆匆

過淮陽有感而作

武皇側席正求賢直道誰居汲黯前何事不教留禁  
闥淮陽高卧度流年

高郵露筋廟二首

高郵女子志何堅假宿寧論性命全耳向荒陂死蛟  
喙此生元不愧蒼天

噴血其如利背何荒陂一夕死貞娥從教筋骨當年  
露筋得清名世不磨

渡江

儀真北上廿三年夾上江南濟渡船清曉登艫望

京國鍾山彷彿翠雲連

望南京

虎踞龍蟠入望邊  
鍾山瑞靄翠相連  
仰思聖祖開洪業  
定鼎宜過億萬年

題雙鵲圖

梅竹交青映栢枝  
飛來雙鵲立多時  
主人翁好無彈射  
有喜令渠日日知

太平門

何處清時快往還  
太平門外好湖山  
閑花野草應無數  
惟有青松完耐看

大理後庭竹林山色二首

鍾山雨過翠成堆  
竹裏清風作陣來  
愛竹看山有真樂  
高人遠矣憶追陪

閑愛脩篁靜愛山  
清陰秀色座中看  
若來漸得悠然趣  
天際浮雲任往還

臨終口號

土牀羊褥紙屏風  
睡覺東窓日影紅  
七十六年無一事  
此心惟覺性天通

青城分司暮春

漠漠楊花滿院飛  
重來又見一春歸  
去年記得停驂處

日正月庭前雪作團

題松竹梅圖

翠竹青松共白梅幾枝瀟灑出塵埃  
長年自保風霜節不學春紅向煖開

濮州道中口號

歲月多從馬上過  
勳名未立鬢先皤  
風霜滿面誰能識  
極目蒼天一放歌

舟發辰溪岸

岸脚挿江深  
洄潭搖石影  
舟行若天游  
妙處心獨領

靜夜

雨滴霜臺靜燈明憲府深新詩吟謾好誰復是知音

題墨蘭二首

已見光風轉應知九畹深殷勤采香潔持慰羨人心  
既自充楚佩還曾入孔琴寄言采芳者雲谷莫辭深

秋夜

泠泠碧窓風皎皎踈簾月重門掩秋霜素練擣寒雪

荒逕

曉行荒逕中灤灤草上露日出雲氣收一鳥空中度

夜飲李海昌宅

重門敲春夕燈燭霽餘輝醉我百壺酒留連夜未歸

早起

鷄鳴耿不寐展轉待明發童子看窓前猶言有殘月

早發

晨星耿孤色曉月餘清朗舟入解纜行夢覺波聲響

野市

野市二三家柴門傍水斜溪童賣蒲笋歸路不辭賒

率成

舟過水無迹雲收天本清外物自紛擾吾心良獨明

文清公薛先生文集卷之五

集

文肅公精於坐交集卷之五

鼎鑪本無妄寒效天本肅於時自俗對吾心身歸田

率惠

理市二三家柴門對水榭幾童賣龍華觀微不獨銀

理市

景星想脈寺觀月領肅微世大輔幾竹夢覺此幾然

早發

幾無煩不寂幾轉於此幾童志香窓前辭有休幾月

早發

文清公薛先生文集卷之六

門人關西張鼎校正編輯

律詩

送和司訓

秋色滿平陰秋聲處處砧  
離筵對衰草別路繞疎林  
白日青霄迴紅雲紫極深  
此行應得意早晚報佳音

久雨遣懷六首

客居連市井積雨竟朝昏  
屋漏頻移榻泥深少出門  
颼風侵座冷簷溜入宵繁  
賴有詩驅悶無勞問酒樽

又

秋來常苦雨風氣早生寒  
小鳥攪林急高鴻下食難  
奔流淹古道密霧隱前山  
試誦停雲句中懷獨未寬

又

連日對秋雨其如客思何  
泥塗寧出戶流潦欲成河  
生菌井闌遍積苔墻角多  
無由訪知己遣興且吟哦

又

泥滓不可出茅齋靜坐時  
懷賢尋往傳課子誦新詩  
近悟柔爲勝深知巧是非  
雨聲雜涼吹蕭颯發清機

又

密雨洒如絲涼風散漫吹  
泥塗殊刈沒茅舍久牀腐

初意心先得重聲耳獨知出家至收穫何日靜雲霓  
又

小窓聽雨坐燈影照孤吟誰識無邊道元同不外心  
客襟澄夜氣簾溜滴清音詩就無餘和悠悠思轉深  
寄秉忠周司訓二首

良夜對床宿清晨送子行西郊雨新霽古道馬頻鳴  
執手別時話揮鞭獨往情相思杳難極鴻鴈帶秋聲  
又

過我衡門下秋宵雨歇初繁星隨漢濶明月到窓虛  
別數寧辭酒談多不厭書今朝遠相憶陡覺髮毛疎

謾成

客裏經年久交遊日漸新名浮真自愧知少不生真  
大道終非外微言纔是真悠然無所競轉覺快心神  
陳廣文見訪

愛客情何厚肩輿到所居樽醪携臘蟻盤錯間春魚  
雅意忘年契高懷勝日雲劇談移永晝未擬促歸途  
挽江處士

處士好靜者放情丘壑間樽前流水遠窓外白雲閑  
孫子詩書熟交親禮數寬百年今已矣涼月滿柯山

驄

沙水相蕩潏晴宵飛彩虹闌干臨極浦華表撼高風  
爽氣西山秀祥雲北闕濃南征從北發歸擬駐華

入湖南界

行盡中州地湖南境界初漸聞人語異更訝鳥音殊  
溪谷多栽稻池塘盡養魚山村聊借宿風月夜堂虛

應山道中

萬壑嵐光滿曉騎駘馬行茂林交擁蓋脩竹送前旌  
到面溪風冷經心石澗清豺狼應遠迹狐鼠不須驚

晚至雲夢

雲夢行看近，有與趁晚涼。稻塍新穗吐，蓮沼落紅香。  
密樹隱茅屋，蕪堤繫野航。霜臺絕蕭洒，客我得徜徉。

發雲夢二首

鞍馬幾千里，又登雲夢舟。天圍平野闊，水入大江流。  
咲傲傾樽蟻，微茫聽棹謳。往年懷七澤，今日遂清遊。

又

昔聞雲夢澤，今泛楚人船。地遠烟迷樹，湖平浪拍天。  
南風清憲節，北斗燭龍泉。頻向中宵望，武昌何處邊。  
大江逢霽景，獨酌有作。

舟行逢霽景，逸興杳難群。綠樹江邊影，青天水底雲。

泰山連復斷雙鰲合選分自酌金樽酒微吟到半鰲  
舟發城陵磯

急鼓催舟發依稀見岳陽遠波浮岳嶼衆水合岷湘  
竹瓦居人閣杉牌賈客房且看風景異未覺遠遊傷  
辰溪曉泛五首

沉水一千里辰溪又泛舟山雲合雨暗身世與天游  
已覺雞聲遠惟聞櫓韻幽所經多險涉還似解離憂

又

湛湛江流碧層層石岸高蠻謳催健鰲瘴雨洒輕舸  
白鳥水霜操寧辭旦夕勞五溪山萬疊何處是龍標

又

怪石雙崖峻秋江一道平  
榜人皆異詔岸島亦殊聲  
洞戶編茅小蠻舟剡木輕  
雖驚風土異重喜萬方清

又

蒼峽幾千尺天開萬古餘  
波穿石眼瘦舟壓水心虛  
歷歷瞻奇秀悠悠想化初  
所希觀物妙難覓邵堯夫

又

自有烟霞分觀風任所之  
洞餘槃瓠種江遠伏波祠  
秋老芙蓉樹雲深薜荔絲  
欲知詩遠思祗是詠新詩

舟發長沙四首

曉遡湘江水微風漾碧潏好山隨岸遠野燒入林多  
徃哲題詩處今予鼓棹過年來遊覽數天意遣吟哦

又

已覺長沙北猶瞻岳麓西天浮湘水瀾樹入楚山低  
岸芷餘香草叢篁染舊啼昔賢遊覽地我亦爲留題

又

長沙城下驛解纜發扁舟水柵千家市沙村十里洲  
喜逢晴霽景况值太平秋憲節叨光寵懷賢獨未休

又

十日長沙住登舟憶少陵花飛有底急酒美爲誰傾



又是山亭宿林巒夜杳冥  
夾臨南嶺近風入北窓清  
開卷求心事傾壺蕩客情  
立親久辭世不昧想平生  
沅州新正書景三首

楚南時節異正月似深春  
傍柳萱苗長臨池草色新  
江山晴景媚庭院煖風頻  
坐惜梅花落題詩憶遠人

又

頗訝沅州地新正景不同  
遠山青草瘴深院落梅風  
角角尋巢鳥喧喧采盡蜂  
春衣初試袂和氣蒲簾櫳  
又

楚地春來早群花次第開  
輕黃舒柳線重碧染莓苔

永日香凝篆和風酒滿杯端居叨  
寵渥何以荅清

獎

正月十三日夜書

兩日是元夕山城已試燈謳歌連夜發  
簫鼓遍街衢  
人喜新風景時逢舊太平  
柏臺誰是伴梅月正交清  
遣興

庭幽多樂趣用歇愛晴暉綠竹生  
孫早紅梅結子稀  
賦詩新有趣讀易漸知幾  
眼境何空濶看雲天際飛  
曉上草閣

通宵雷雨驟曉聲試登樓  
百鳥聲相和雙江漲合流

寧知冀北客來按楚南州滿眼波濤急飄然欲放舟  
喬口迴流往長沙

楚岫無邊翠湘流不盡清香楓屈子賦苦竹鷓鴣聲  
風景常年事雲霞萬古情沙頭舊鷗鳥誰肯與尋盟

武口守風四首

連日北風疾江濤拍岸鳴天垂平野月浪颭近船燈  
潮與歸心濶秋因客思清不眠聽鼓角高枕念王程

又

武口叢祠下維舟幾日餘北風增駭浪南客念歸途  
水遠浮三蜀烟濃暗五湖江村秋雨裏難覓酒家壚

又

歸思方正切北風何太狂江村平隱見湖樹遠微茫  
浪起魚龍伏天低鶴鵲翔貂裘思更著秋雨早生涼

又

繫舟楊柳驛風雨苦連朝遠岸烟埋樹荒村水沒橋  
年華身老大湖海興蕭條天意何留滯應憐望國遙

舟中偶成

舟中如斗室坐卧覺心清閉戶燃風冷推蓬愛日明  
偶思前世事因見古人情自顧知何益詩書浪得名

漢江曉泛

城下扁舟發江清宿霧消竹林迎岸出粉蝶背人飛  
神女無消息明珠久寂寥鹿門看漸近滿耳颯清颼  
舟中遣悶

五日行不盡洞庭青草寬窮陰連旦夕密霧隱湖山  
詩思雖難竭酒壺行復乾孤舟親愛遠何以暫爲權  
近日收書漸多賦成

元凱真成癖收書日又多靜湏頻檢閱忙不廢吟哦  
得意欲誰語感懷聊自歌忘形到爾汝膠漆豈能過  
武陵曉泛

今朝風日好來泛武陵溪碧水寒依岸蒼林遠護堤

沙光搖野馬人語散無歸二月桃花發還應處處迷  
院中遣興二首

爲客知應久池塘夏景深圓荷高倚蓋新笋密成林  
山鳥因時語陰蛭應節吟乾坤知帝力自許一生心

又

片雨過山城空階物意清黃梅拾又落翠蘚路還生  
幾許催詩景無端望國情蠻方新事少烏府但橫經  
夜坐偶書

夜夜燒官燭時時讀我書斗牛雙古劍天地一迂儒  
卽邑三苗外風霜兩歲餘江湖懷魏闕似覺髮毛疎

舟中三首

來往雖云數，應無愧此江。觀書心見獨，揉櫓韻聞雙。  
并轉山相掩，湍奔石互撞。裁詩清興發，晏坐啓船窓。

又

石底明皆見，清波淡不流。幾年烏府客，二葉楚江舟。  
求富知爲妄，存心得自由。所欣安履順，未必歎淹留。

又

好在黔中地，相留過幾年。岸經冬嶺樹，水宿夜灘船。  
支枕思前事，清心憶往賢。一陽看漸近，吾道故應旋。

黔江曉泛

五月蠻江漲官船泛泛輕波光一道白山色兩邊青  
只有耽書癖都無報國能中原有家室終日望歸程  
詩禮堂爲衍聖公賦

洙泗趨庭日相傳自世家三千惟有敬一語自無邪  
喬木參天色倚蘭繞砌花遺風從此地化雨被無涯

崇恩堂同前

赤帝趨朝日彤庭錫勞時宮壺霑寵渥命服被恩私  
遺澤應無竭深恩勉自持高堂書盛事行見被聲詩

題風水卷

秋色滿天地寸心將若何行雲寧返迹逝水絕回波

斷織封蛛網殘篇掩蓼莪空餘東嶺樹向夕受風多  
題贈雲卷

遊子久行役松楸空係情幾經秋草合長見白雲生  
水映遙空淡烟迷暮壠平鶴歸華表夜滄海月虛明  
人日立春

人日逢春日韶華此又新暫歸持瓮客猶是讀書人  
別久交游敬年深骨肉親昇平占霽景愛國賦詩頻  
村居

喬木荒村有歸來遂所居人情安瓦樂機事識舟虛  
歲晚霜橫野宵長月照書心田恐蕪沒不敢廢耘鋤

讀書

俯仰千年道常看萬卷書  
髮毛兼黑白事業尚鉛朱  
庭雨催寒早窓風度月虛  
撫時寧浪出慨想北溟魚  
中秋夜諸生持酒至三首

憲府乘驄入湖南  
伐斧遊異鄉  
饒節序故里忽中秋  
白日當空度明河入夜流  
諸生勞載酒堅坐看相酬

又

五見中秋節  
湘南想北州  
忽看今夜月忘却昔年愁  
汾水通河漢龍門近斗牛  
霜鍾傳永夕高詠未能休

示弟瑋

大星星霜久新年雨雪頻田園知己薄生計可忘勤  
喬木宜思祖鷄豚莫惱鄰東堂花幾樹應與歲俱春  
聞張侍御陞大理卿復陞都御史

聞道張公子頻年被寵光一清廷尉法再肅柏臺霜  
絕足風雲濶高門歲月長所期崇令德汗簡看垂芳

夏夜

肅肅涼景夕蒲懷詩思生蛩鳴新雨霽鍾過晚風清  
爽氣浮天極卿心對月明中州知久客歸興繞汾亭

挽吳孺人

高節知誰似終身不二天脩篁秋更綠老柏苦尤堅

意切和熊處心傷斷織前賢即今有立紫詰貢幽泉  
直沽舟中

潮來兩岸平風順一帆輕海濶浮雲白天低野樹青  
久叨持斧客非是棄繻生岱岳行看近秋高試一登  
按部出濟南

雨歇西門道微涼草樹秋風雲連北極海岳接東州  
聖世方全盛書生得壯遊頻年叨寵渥感激未能  
休

七夕宿鄒城

知子國中宿高堂蠟炬紅蒲林鶯夜鶻繞砌響秋蛩

遠意知誰省長吟未許同去年當此夕京國見西風  
發長清

清曉出南郭南行喜有山入林秋霧薄到面水風寒  
已覺年華大還應宇宙寬義興持憲節不改鐵爲冠  
盧主事具慶堂

盧子古名族幾年家大梁未爲觀國士已作奉親堂  
喬木侵簷密芳花繞戶香春風長滿座永日但稱觴  
登州抵福山道中二首

岡嶺高還下荒村斷復連波濤風捲雪島嶼日生烟  
水坼人間境春融世外天雲霞今古異何處有神仙

又

正是春光好重來海上行輕鷗聯影落旅鴈一行鳴  
徐市三山棹安期萬古名只今俱泯沒惟見水雲平  
潞河舟中

歲月忽如昨三年又此來水長通御苑山近繞金  
臺謬擬傳心學慙無濟世才永懷清不寐終夕望三  
台

舟中思親

三十年前事舟中忽有思老親遊宦日已蜀泛江時  
青嶂兩邊合黃猿萬樹垂只今行海岱恐自受恩

滄州舟中

滄漫滄州北舟行逆水遲連林秋柳瘦接翅晚鴉稀  
原野波濤減人家生理微端居對明燭深念莫相違  
病齒

病齒經時久憂煩屢攪腸少哦良覺廢誦讀總相妨  
志切風雷益心慾噬嗑剛舌柔無所苦因悟養生方  
賜紗

理寺承恩召宮紗被寵光紅酣昇海日濃染自天  
香省德知輕重裁衣稱短長章身良自愧何以報

皇唐

賜廟

勅賜端陽扇雲箋五色花動搖煩暑退披拂好風斜  
法語真堪畏湯銘恐未加黜黜誦誦謔諧身心蒙帝  
力留與子孫誇

登南坡

雨霽陟岩堯涼風作陣飄目隨青嶂遠心與白雲高  
野草連岡細家林百尺喬茫茫天宇內倦鳥已安巢

漢江源

巨峽自天開峨峨嶓冢尊迴環幽谷森以清淺漢江源

太古通元氣根深徹后坤朝宗東去興應不廢晨昏  
嘉陵泛江

湛湛嘉陵水沉沉石底明岸翻雲樹影谷響棹歌聲  
微冷南風細輕陰暮雨晴應難逢此景還慰遠遊情  
嘉陵江雨

官舫泛嘉陵渾如一葉輕灘高駭浪急岸濶漫流停  
山木無邊翠人烟幾處青棹歌高枕聽竟日雨冥冥  
雨後宿嘉陵

夜宿嘉陵岸扁舟雨不休山雲迷澗壑林火射江流  
人坐思王事難眠動旅愁所期氛祲掃走馬上神州

嘉陵喜晴

不堪蓬背雨直打到天明  
尔喜朝雲歛俄看旭日晴  
林分千嶂秀山空一江清  
泛泛情何極舟人急櫓聲

錦城寓館八首

寓館富花竹書齋夏日長  
芭蕉紅錦秀梔子白花香  
樹密寧知暑窓開但覺涼  
遠懷雖暫遣世慮未能忘

又

曲逕通幽處交陰翠竹高  
書齋成雅趣花園愜遊遨  
石甃涵天影風林作海濤  
寧知城市內清境勝江皋

又

紅雨過空庭纖纖草色青涼風生近戶淡靄散高冥  
林外鶯聲急簷前燕語輕錦城雖可樂終是念歸程

又

當戶海榴樹紛紛落絳英竹林新笋出石砌綠苔生  
小屋知心靜繁花覺眼明少陵今遠矣誰與論詩情

又

偶居錦城館還似浣花堂雨過青苔潤風來翠簾涼  
竹鳴簫洒韻花送自然香清興雖無盡鄉心未可忘

又

紅芳經雨重翠竹引風多生意每如翫天心柰樂何

一杯吾自勸隔戶鳥當歌忽起鄉關念條山繞大河

又

清晨坐書閣初日照花林宿露滋庭竹晴天嘯野禽  
心無一念雜窓絕半塵侵道理無邊在悠然思轉深

又

閑坐竹林內風來見穉飄輕烟晴冉冉涼氣晚蕭蕭  
易古還宗邵書刪却白堯莫嫌耽典籍清景美相調  
有感五首

火發木將燬茲生理自危洞觀千古事深合一時爲  
往事既如此來踪可更追爾心徒自省吾道欲何之

又

使三苗叛深勞王者師操兵諸將勇轉粟萬人疲  
行見投戈日還看奏凱時犬狼何足道雨露本無私

又

錦里南天外中原北斗邊棄輜孤節遠戀闕寸心懸  
鴈塞妖當掃龍沙駕已旋忠臣扶社稷快養在生

報

又

庶官務割剝不念遠人窮况復羽書急時兼饋餉侯  
探兵林莽密轉粟水山重指日妖氛掃車書四海同

又

禁闥知無補江山敢憚勞運糧民力困討賊將必曠  
國解人饑死蠻窮縣却燒貪官能致亂選牧望一天  
朝

錦城館雜題十三首

竹

誰種庭前竹蕭森數十竿高簷晴落翠虛室晝生寒  
韻喜風前聽陰宜月下看莫言家在遠長得報平安

榴

細葉枝枝翠嬌英朶朶紅愛看芳有實不信色爲空

天葵爭發傾陽意略同因之思漢武花滿近郊濃  
芭蕉

弱植亭亭立新枝漸漸開自能承雨露元不愧塵埃  
藜艷抽紅錦陰長落翠苔新詩題滿葉秋意莫先來

木瓜

庭外有奇樹木瓜枝相交幸自少酸味何由動老饕  
香氣頗幽馥鳥聲恒寂寥莫爲相好贈却恐報瓊瑤

櫻樹

小園高櫻樹亭亭迥出雲近身皮盡石到頂葉纔分  
性直鍾元氣根多托厚坤幸茲無剝削生意得長存

文集卷之六  
一  
筍

爲是根延蔓因知筍易生破苔錐快利穿劍角神機  
籜解龍蛇蛻梢翻翡翠翎漸應爲勁節行復上青冥

梔子

梔子湖湘見重看  
在錦城花如梅蕊  
淡香比木犀清  
會取風霜實還添  
藥餌名莫嫌滋味  
苦利益似忠誠

木犀 卽丹桂也

愛此木犀樹青青  
長近階每承朝露  
重長引夏風來  
嘉卉應難得高人  
喜賸栽不知歸去  
日還得見花開

盆池

正爲池底方石爲池鉉貯水無多子溼光亦有焉  
影隨庭下樹雲度鏡中天好似人心靜森然萬象全  
雙栢

北山多古栢此地少爲奇並長庭階下雙承雨露滋  
貞心惟我共苦意只天知清影尤宜夏時來一翫之  
草

密密庭前草纖纖每易生細搖風葉軟微綴露華明  
生意知無間乾坤大有情不除思茂叔心與共欣榮  
花臺

臺累層層級花開種種香雨過苔色淨風動樹陰涼

高下當虛牖依稀近小堂讀書頻對此瀟灑意何長

竹徑

竹徑通書室行來宛轉深舉頭交翠葉步履路清陰  
舊籜頻飄地新篁亂滿林好風涼不斷洒洒滌塵襟

竹下四首

翠擁如雲竹門開一徑深成林常少日接葉自多陰  
山鳥時聞轉風蟬忽聽吟把書閑讀處涼籟覺心清  
又

愛此竹林僻千竿翠葉交濕衣清露重到面好風飄  
旋解龍鱗籜新抽鳳尾梢逕幽仍宛轉聊此慰逍遙

又

夜雨朝來霽閑從竹下行尚餘零露濕倍有好風生  
凌亂陰還厚飄蕭韻自清獨高君子節長結歲寒盟

又

積雨苔長潤生風竹自涼誰開延客筵舊作讀書堂  
魚躍盆池水花傳瓮牖香清心時宴坐遠意到羲皇

有悶二首

盛夏不興師如何動鼓輦誕敷今已遠來格爾何遲  
火嶺安營苦炎荒轉粟疲會應霖雨降早見洗兵時

又

五月北風多聲來撼遠柯飄蕭今已甚震蕩復如何  
昧昧思嘗膽紛紛謾擁戈唐時洗兵馬誰爲挽天河  
遣懷

如何三月外猶未得家書爲少南來鴈因稀北上魚  
謾叨新使節祇想舊田廬旦夕聞消息中懷暫一舒

聞道四首

聞道征南時長驅十萬兵天威除獠獠妖宿掃機槍  
路濶烟塵息城開子女迎還當布恩信長見八蠻清

又

大將總雄師三苗勢已衰重圍方解日梗路漸通時

荒破宜興復瘡痍在保綏安邊有長策夷夏樂雍熙

又

兵勢如破竹長驅甚建瓴已應搖種道還見鬼方清  
思信更須布干戈可暫停但令疆圉靜休慕簡編青

又

苗頑從古昔醜類近尤乖月暈城遺困峰屯路不開  
王師天上降虎將日邊來一掃蠻荒靜從容奏凱迴

五丁峽

巨峽三千里天開幾萬年泉飛林杪雨雲合管中天  
一水橋頻度層崖石亂懸梁州舊禹跡繆矣五丁傳

入徐州境

春首及徐方行來道路長殘水餘積水霽雪帶連岡  
遠野通淮甸懸流近呂梁征鞍行可解不日上舟航  
古滕薛城

纔過古滕國還瞻舊薛城分封遺壞堞列爵但虛名  
冉冉春烟淡淡悠悠野水清望中今古意信馬獨含情  
高郵阻雪河水

淮海連朝雪官河一夜冰虹橋千里直鯨浪兩堤平  
履薄應難渡舟膠不可行會須融皎日波軟片帆輕

登孟城驛樓

驛樓晴望遠漫漫野湖平雪樹迷村白沙鷗泛水明  
春烟浮近市午日照高城何限船依岸危檣出杳冥  
金陵官舍

宛轉橋通水依稀星近城池塘經雨濁睥睨映天青  
檻柳回春色園禽變曉聲官居能有此聊可豁高情  
江道士涵碧軒

飛閣環流水層軒面面開虛澄海劍影淨碧絕浮埃  
鏡裏閑雲度潭心爽氣來道人能有此還似小蓬萊  
螢

知爾耽微細長因腐草生柳邊添箇箇竹裏亂星星

文集卷之六  
十一  
歲月驚時序乾坤見物情莫言光耀少還是黑中明  
樵雲野老

自得山中趣都忘世上名閑尋肥遯侶共作斫雲行  
泱泱溪流響丁丁谷應聲偶然值漁者問答有深情  
睡起偶題

睡起涼風入空庭過雨餘幾竿窓外竹數卷案頭書  
欲淡心無競官閑樂自如老知安所寓不復更區區  
楊尚書邀飲

好客楊司寇招邀酒屢傾四筵羅綺食滿座列豪英  
並矢投何急觥觴亂不停猶言情未盡別上水心亭

送俞侍即歸江南

官僚新寵數藻鑑舊光輝正擬承恩大俄看賜告歸  
征帆千里發旅鴈一行飛勿藥應添喜重來覲袞衣  
將歸山西留贈陳廣文三十韻

八月中州地秋光動客懷氣清行少昊令肅掩恢台  
樹老蟬俱寂葭黃鴈正來寒流澄靜碧晚岫板崔嵬  
紅熟風林寒青生雨砌苔候虫聲唧切砧杵韻喧逐  
上下璣衡轉西南斗柄迴憶從朝鳳闕便爾別金臺  
來徃家山道留連索水隈古情吟楚漢高義得陳雷  
屢和鏗鏘韻頻傾漱灑杯未窮詩酒興俄動蓼莪哀

荏苒逾三載，栖遲愧寸才。聊爲萍水別，近擬故山回。  
秋意方如此，交情每快哉。應同楚地橘，濫比傅岩梅。  
晚節看松桂，殊芳異草萊。故應嗤樸樾，深是重竒瑰。  
意得寧煩女，心通不假媒。素懷期坦率，俗意絕嫺纖。  
白璧寧容垢，青銅未可埃。我行方浩蕩，君意莫徘徊。  
砥柱洪河圻，金天華岳開。驛亭頻莫柳，郵舍幾陳荄。  
汾水秋浮浪，孤山晚作堆。兒童應項領，父老想樽罍。  
原栢心先折，庭梧手自栽。昊天恩罔極，風木意難裁。  
未遂林烏報，頻驚隴鶴催。還當訪知己，鳴佩覲天階。

曉登沅州北山頂

一竊氤氲重溪行咫尺迷漸登層嶽上始覺衆山低  
遠近天無際參差樹不齊川雲平似海石磴峻如梯  
日出寒烟外風生碧澗倪異禽和露宿快馬度空嘶  
遠目回三蜀高懷遍五溪歸朝誇勝槩沅水有新題  
戲題紅白二梅花落

簷外雙梅樹庭前昨夜風新英萋萋落粉間飄紅  
已見苔成錦方疑色是空粧娥初點額舞女欲迷蹤  
雨重臙脂濕泥香瑞雪融不知何處笛併起一聲中  
喜雨四十韻

天地開明運風雲各有人道回千古泰氣繞一元春

合樂來儀鳳編詩詠瑞麟杞楠求偉器瑚璉重奇珍  
竊抱風霜志榮瞻日月新繆膺三鳳薛敢比八龍荀  
早歲心雖壯中年學未醇上書希賈誼著論過龐參  
跡忝鰲頭客官爲豸角臣憶從簪白筆寧敢愧蒼旻  
持節南荒外懸旌北海濱幾看星轉斗頻見月飛輪  
疾惡寧留枉存心但有仁股肱恢漢道耳目廣虞詢  
沅澧時清歲衡巫景晏辰驕陽嗟久亢膏澤仰惟均  
使者應無色官曹想未循黎元疲吠畝巫覡走村隣  
偪側憂群志安榮愧此身靈幽寧可必衷曲謾潛陳  
帝德深涵物天心遠愛民化機固頃刻沛澤匪群倫

婦子皆宜室兒童總孝親  
聖陶歸廣大笑語極詳醇  
已卜年皆有還應俗盡淳  
聖羸躋壽域夷獠變儒紳  
沴氣全知歇休徵屢覺臻  
商羊方罷舞尺蠖會求伸  
魚目難容僞明珠賴倚真  
積處纔曠日志喜不逾旬  
野遍秋前綠衢消霽後塵  
享豐原有數貞勝豈無因  
荆俗猶欽鬼黔靈早降神  
華風人共靡大道子能遵  
時譽難稱實佳章枉見申  
功因簣土積學比大田  
畝物備應知富神克不累  
貧詞華兼問晉風雅獨傳  
幽自顧心如雜相期德在  
純從容江漢日行見起垂  
綸

寄司封李原德三十韻

磊落青雲士龍門憶共遊  
蕪散汾水暮松桂禹宮秋  
架石千尋閣盤空百尺樓  
兩山開翠峽萬里滾黃流  
弱水崑崙外扶桑滄海頭  
山川窮壯觀物理入冥搜  
勝地杯同酌清心道共謀  
真傳推舜禹正學拱軻丘  
每苦紛紛論誰能坦坦由  
濂伊勞績述闕建得尋拙  
自此陽光發還應燭火收  
劇談憐繾綣良覲展綢繆  
日月開皇極風雲會帝州  
一官陪舊侶三俊話前脩  
待漏金門闢趨朝紫氣浮  
方期聯彩鳳又見促鳴騶  
盛典旁求遠天書寵渥稠  
遷喬登粉署持節騁華輿  
鼎火改時頻易杓稷斗屢  
周絨書知習坎中意見中

孚理大天無外毛輕德可儔  
轆推追電足深仰遡源  
舟一別三年久重來數日留  
玉瓶携綠蟻珠唾雜銀  
鈎又見逢離索那能足  
倡酬清霜京邸月踈柳禁城  
溝遠意煩深念高文可更求  
士希賢作聖道仰魯傳  
劉歲月雖云邁詩書敢自休  
論心殊未悉短札暫相  
投

喜雪有序

正統四年十一月十六日予出按所部時不  
雨者殆兩月矣麥雖出土而根苗浮露避塵  
遍野土脉不能凝潤將無以爲來歲發生之

機所過居氓行商以及部屬之吏咸戚然有  
憂色予亦同其憂而時據鞍攬轡閔閔不怠  
於道途之間是月二十六日抵東昌之博平  
大風連日天微有陰色予意以爲將雪之徵  
二十九日早發博平風止雲合雪遂作中途  
雪大作至清平連三日夜雪乃止彌漫千里  
皓然一色由是民吏釋然大悅相賀以豐年  
之兆灼灼可驗予亦喜不能已遂賦律詩三  
十韻以紀其事是冬十二月朔日書

憶辭歷下日正值仲冬天衢路開晴色城闌散曉烟

地連滄海外山統岱宗前玉節知頻擢鉞刀每學鐫  
行行周和邑納納大坤乾戀國心如結憂民志自堅  
風威連月甚雨雪半冬愁細麥浮乾壤游塵滿大田  
根荄思潤澤翕合望開旋行旅心相語居民慮共煎  
怪陰嗟甚矣生理卜終焉謬黍觀風客深期閔雨賢  
心搖金匱匝念切錦鞅轡悵望雲霞靜驅馳路道偏  
行臺時徙倚小邑重流連竟夕寒飈作侵晨凍靄凝  
自天來素節匝地結冰泉平野迷霜蹟遙山聳白巖  
影窺瑤水鶴人舞桂宮仙庭相欺寒色林花開曉妍  
久荒開瑩潔萬象失蒼玄肅肅氛埃歇飄飄沴氣捐

已應消騰蠶重覺伏螟蟥節轉和平候時占大有年  
玄功歸紫極上瑞繼青編永紀雙莖異雲歌五色鮮  
鳳麟來曠邈龜馬出淪漣盛事宜方駕貞符足並有  
腐儒叨際遇

帝力荷陶埏雅頌知非職歌謠竊自傳

古人作雪詩禁用體物予詩中於柳絮梨花  
如銀似玉之類皆置不用亦古人之遺意歟

送王秀才

歷下山川秀高亭古製存朱闌環碧沼綺席擁金樽  
手吐來賓客機雲列弟昆清言鳴佩玉雅奏雜篴埙

昔稱名勝于今數大藩雲烟通海岱峰嶺接天門  
正是霜空肅那堪葉落繁高城連粉堞周道駐華軒  
良會今如此高情可更論芝蘭爭奕燁鴻鴈各飛翻  
天上歸寧後還來叙昨歡

曉出東平州十韻

憲節凌秋發城門  
逼曉開溝長流水去  
野曠遠風來  
跋馬橋頻度看山客  
屢回川原行未已  
齊魯望悠哉  
漢檢天門石漢封禪  
秦碑海岸臺秦刻  
淡烟橫曲阜  
旭日上蓬萊  
遺蹟懷前古  
觀風慰好懷  
衢樽須共飲  
井稅不煩催  
每見桑麻野  
深期杞梓材  
行歌方自得

前陟更崔嵬

挽徐憲使三寸韻

梁園春寂寞共嘆哲人凋自是鍾神秀原應降岳喬  
劬書當早歲窮易每通宵遠念韋編絕潛觀法象昭  
數從環內起心向畫前超甲子開文運寅正建斗杓  
豹斑深積霧鵬翼快扶搖海內時名大關中教澤饒  
方看來鶴雀行復降星輶地切神仙府人瞻玉雪標  
旋應陪馭鶴長是綴班貂啓沃師其尹開陳仰似姚  
緝熙惟一德誠孝每三朝

要

龍衮登宸極離明麗遠霄周旋觀盛禮寵數冠羣

又見橫英簞遙知格有苗霜臺俄拜命駟馬屢  
路出荆門險封連晉水遙情非鷹隼擊心與鳳鸞  
政簡民無擾風清吏不驕兩邦懷舊德千里守新條  
魏闕心仍結鵷行首屢翹人期黃髮在鄉有白雲飄  
列郡愁空劇孤魂去不招野棠還簇簇臺栢自蕭蕭  
丹旄飛雲遠青山積雨消羊腸高岌峩馬鬣鬱嶢峩  
客憶曾遊寺人憐舊度橋儀刑傳父老名姓到漁樵  
事業歸良史豐碑閼伯高

酬李吏部韻

祗是尋章句何曾學聖賢寸心徒炯若兩鬢已蒼然

汎汎應難及區區只自專妙非探月窟家有玩山泉  
希復勤晨誦多應懶晝眠簟涼紋似水牕寂帳如烟  
正起端烏帽俄承送錦箋騰空蛟勢矯出海蚌珠鮮  
述作淹群籍吟哦盡一篇卦看脩省震天悟性情乾  
便擬師兼良誰勞說又玄茅心知我塞水智羨君圓  
德業勤磨玉功名慎著鞭沉潛知理奧明炳識幾先  
自是中情固寧教外物遷晴窓看野馬碧漢仰飛鸞  
欲識無邊道須知不外天味深玄酒酌聲淡伯牙絃  
佳士宜紉蕙高人獨愛蓮化機寧有息雅興自無邊  
寶瓚須金飾羔裘有豹緣翱翔還接翼出入最差肩

肺腑真傾瀉詩書已貫穿天官留藻鑑匹氏備哀  
規矩誠前定方圓自不憊門清真似水道直更如弦  
幹有千尋聳金更百鍊堅但教孤節茂羸車大名全  
自愧方知學深思未可權交情殊滾滾高論竟連連  
尚覺中懷劣難勝外慮牽何時除舊習但日寫陳編  
大意全無見幾微總未研真誠誇末學寧敢接先傳  
浩蕩乾坤大推遷歲月延海波應渾渾蠡把繆洎洎  
有蘊川光媚深藏寶氣纏珠還寧買積魚得可忘筌  
舊業勞鑽仰新知可棄捐斯文終古在共觀日星懸  
文清公薛先生文集卷之六

讀書公報文主文集卷之六

十一

舊業荒蕪時時疎畝下藥餘謀文然寸香共賤良星懸  
亦藍川光散彩瀛壖康醫經選舉買餘兩時石臥全  
崇燕掉中八卦靈慧凡茲秘苑凱戰戰益非懸前所  
大意全無見樂婚盛未可真為末學幸煩對出辭  
尚覺中興之璞類快熟率所報制醫皆卧日蘇新編  
自對衣映學悉思未可辭交割經氣氣高篇黃雲數  
綽序千尋盤金更百煥望出旅旅漸改龜車大沙金  
長欲請前安衣圓自不慙門齋真妙水龍直更映然  
不期真對然精書也費來天宮降紫羅因力前定

